

Bosna i Hercegovina
 Federacija Bosne i Hercegovine
 Kanton Sarajevo
 Grad Sarajevo
 Općina Novi Grad Sarajevo
 Općinski načelnik
 Služba za privredu i lokalni ekonomski razvoj

Broj: 02/03-05-8887/19 S.D
 Sarajevo, 25.12.2019. godine

PREDMET: Analiza rezultata podsticajnih mjera i projekata za period od 2016 – 2019. godine

Općina Novi Grad Sarajevo kontinuirano izdvaja budžetska sredstva i provodi mjere podsticaja s ciljem očuvanja postojećih radnih mjesta, kreiranja novih, te stimulisanja razvoja privrede uključujući i poljoprivredu. Rezultati podsticajnih mjera se nalaze u prilogu:

Mjera I: Podsticaj privrednim subjektima Općine Novi Grad Sarajevo putem regresiranja dijela kamatne stope

Data mjera predstavlja finansijski vid podrške privrednicima s teritorije ove općine putem regresiranja dijela kamatne stope od strane Općine Novi Grad Sarajevo. Mjera se provodi u saradnji sa komercijalnom bankom odabranom putem Javnih poziva, pri čemu Općina subvencionira dio godišnje kamatne stope u procentu od 4 % za privrednike koji ispune posebne uslove: zadržavanja postojećih i upošljavanja novih radnika (u zavisnosti od iznosa kreditiranja).

REZULTATI KROZ GODINE:	Linija I 2013.	Linija II 2014.	Linija III 2015.	Linija IV 2016.	Linija V 2017.	Linija VI 2018.	UKUPNO
Banka Partner	<i>BBi</i>	<i>BBi</i>	<i>BBi</i>	<i>BBi</i>	<i>Sparkasse Bank</i>	<i>BBi</i>	
Subvencionirana kamatna stopa	2,99 %	2,49-2,79 %	0,99-3,49 %	0,49-2,99 %	1,49 %	0 %	
Plasirano	2.500.000	3.743.490	7.256.000	10.360.500	7.175.000	12.062.339	43.097.329,00
Nova radna mjesta	71	229	233	246	120	183	1.053
Obavezali se na:	Zadržati ukupan broj postojećih zaposlenika - 800	Uposliti dodatno 22 nove osobe	Uposliti dodatno 42 nove osobe	Uposliti dodatno 57 novih osoba	Uposliti dodatno 55 novih osoba	Uposliti 80 novih osoba	Zadržati postojeće i uposliti dodatno 256 osoba
Pružena podrška pri očuvanju radnih mjesta	800	1.195	1.394	1.758	1.026	1.782	7.955
Broj firmi (broj finansiranja)	11	25	28	41	18	62	185
Subvencionirano	76.023,55	156.539,95	406.614,76	400.733,48	311.760,22	118.170,82	1.257.283,87

Mjera II: Podsticaj START UP firmama putem regresiranja dijela kamatne stope uz mogućnost korištenja Kreditno-garantnog fonda

Navedena mjera se provodi 3. godinu, a cilj iste jeste pružiti podršku početnicima u biznisu kako bi lakše došli do potrebnih izvora finansiranja svojih poslovnih ideja, odnosno novoregistrovanim biznisima, osnovanim unazad godinu dana, olakšati početak poslovanja. Pored povoljne kamatne stope početnicima je na raspolaganju bio i Kreditno-garanti fond koji služi kao obezbjeđenje za dio preuzetog kreditnog rizika. Putem ove kreditne linije podržano je ukupno 18 početnika u biznisu u ukupnom iznosu od 268.500 KM koji su na početku zapošljavali 33 osoba, a trenutno zapošljavaju 46 osoba, odnosno 39,4 % više nego prije kreditiranja.

START UP kroz godine:	2015.	2016.	2018.	Ukupno
Broj korisnika	3	8	7	18
Iznos kreditiranja	36.000	104.500	128.000	268.500
rok dospjeća prosjek u mjesecima	12	28,5	48	29,5
Broj zaposlenih na početku	11	9	13	33
Broj zaposlenih na kraju perioda	11	17	18	46

Mjera III: Sufinansiranje zapošljavanja pripravnika

Navedena mjera se provodi na osnovu potpisanog Memoranduma o razumijevanju i saradnji sa JU Službom za zapošljavanje Kantona Sarajevo, a podrazumijeva finansiranje prvog zaposlenja za određeni broj pripravnika sa teritorije općine Novi Grad Sarajevo kod poslodavca koji su aplicirali na javni poziv Službe, a putem mjesečnih isplata podsticaja za potrebe sufinansiranja troškova bruto plaća pripravnika (od 6 do 12 mjeseci u zavisnosti od stručne spreme).

Ključni cilj mjere jeste intenzivirati dinamiku sticanja prvog radnog iskustva, povećati konkurentnost pripravnika, kao i broj onih koji po okončanju pripravnčkog staža ostaju u radnom odnosu.

Rezultati kroz godine:	Pripravnici koji su odradili pripravnčki staž	Osobe koje su ostale u radnom odnosu po okončanju pripravnčkog staža	Relativni iznos	Utrošeno sredstava iz Budžeta u KM
2016.	16	11 osoba	69 %	67.618,48
2017.	20	7 osoba	44 %	81.000,00
2018.	29	pripravnčki staž je u toku	/	148.190,46
2019.	9	pripravnčki staž je u toku	/	23.453,00
Ukupno	74	18 +		320.261,94

Mjera IV: „Sufinansiranje obuke nezaposlenih osoba za poznatog poslodavca“

Općina Novi Grad Sarajevo je, kao prva lokalna samouprava u BiH, u 2017. godini uvela novu mjeru podsticaja za koju je, što putem direktne komunikacije s privrednicima, kao i putem provedene ankete, ustanovljeno da postoji realna potreba na tržištu rada.

Podsticajna mjera podrazumijeva sufinansiranje obuke nezaposlenih osoba sa evidencije nezaposlenih Biro Novi Grad Sarajevo za poznatog poslodavca, a s ciljem dodatnog osposobljavanja kadra i usklađivanja sa stvarnim potrebama tržišta rada. Za potrebu realizacije mjere, Općina raspisuje javni poziv na koji se mogu prijaviti kako privredna društva, samostalni poduzetnici tako i centri za obuku i dokvalifikaciju.

Rezultati kroz godine:	Broj poslodavaca	Broj planiranih polaznika obuke	Broj obučeni i zaposlenih osoba	Osobe koje su i po okončanju mjere ostale u radnom odnosu	Utrošeno sredstava iz Budžeta u KM
2017.	10	67	35	21	52.500
2018.	12	92	56	10 + (nisu se svi javili)	122.000
2019.	32	90	31+ *	/	32.000
Ukupno	54	249	122	31 +	206.500

* **Napomena:** Trenutno su poslodavci po prvom javnom pozivu iz 2019. godine obučili i zaposlili ukupno 31 osobu, s tim da su poslodavci po drugom javnom pozivu tek potpisali Ugovore, te tek trebaju primiti osobe na obuku.

Mjera V: Sufinansiranje troškova samostalnih poduzetnika - početnika u biznisu

Ova podsticajna mjera je namijenjena pružanju potrebne podrške novim obrtima, trgovinskim i/ili ugostiteljskim radnjama registrovanim počev od 01.01. 2018. godine pa nadalje, a sve s ciljem povećanja broja samostalnih poduzetnika i održivog samozapošljavanja kroz pokretanje vlastitih biznisa. Općina Novi Grad Sarajevo, putem stalno otvorenog javnog poziva, a do utroška sredstava, za prve 2 godine obavljanja djelatnosti, kvartalno sufinansira troškove poslovanja novoregistrovanih samostalnih poduzetnika.

Mjera je prepoznata i ocijenjena kao veoma korisna od strane krajnjih korisnika, a čemu u prilog govore i do sada ostvareni rezultati:

Rezultati	Novoregistrovani samostalni poduzetnici – korisnici mjere	Broj zaposlenih osoba kod novoregistrovanih poduzetnika	Utrošeno sredstava iz Budžeta u KM
Mjera iz 2018.	112	152	365.460
Mjera iz 2019.	94	111	89.760
Ukupno	206	263	455.220

Mjera VI: Podrška za uvođenje certifikata, međunarodnih standarda i dr.

Općina Novi Grad Sarajevo je, na inicijativu privrednika i njihovih saznanja o značaju certifikata za jačanje konkurentnosti kompanije na domaćem i stranom tržištu, 2018. godine uvela novu podsticajnu mjeru. Mjera je namijenjena privrednim društvima koja imaju sjedište na teritoriji općine Novi Grad Sarajevo, pri čemu Općina sufinansira troškove certifikacije proizvodnih procesa, proizvoda ili usluga kod akreditovanih Agencija za certifikaciju nastalih u periodu 2018/2019. godina, u iznosu do 50 % troškova, a maksimalno do 2.000,00 KM po privrednom društvu po okončanju procesa certifikacije.

Rezultati	Korisnici mjere -privrednici koji su zadovoljili uslove javnog poziva	Utrošeno sredstava iz Budžeta u KM
2018.	8	16.000
2019.	7	11.043
Ukupno	15	27.043

Projekti od značaja za lokalni ekonomski razvoj :

Projekat I - „Nove strategije zapošljavanja na lokalnom nivou“

Projekat je realizovan kroz Program ILO „Podrška lokalnim partnerstvima za zapošljavanje u BiH“ iz sredstava EU u periodu 01.05.2017.-31.12.2018. godine. Općine Novi Grad Sarajevo je bila vodeći aplikant, dok su ostali partneri na projektu bili: JU Služba za zapošljavanje Kantona Sarajevo, Srednja elektrotehnička škola Sarajevo, Centar za razvoj socijalnog poduzetništva, te firme Centrotans-Eurolines dd, Cebos doo, Mistral Technologies doo i Herbal Spa doo.

Kroz 8 specifičnih programa stručnog usavršavanja obučeno je 60 nezaposlenih lica u partnerskim kompanijama. U toku trajanja Projekta zaposlena su 42 lica (11 žena), od čega 30 u partnerskim kompanijama na ovom Projektu, 12 u drugim, a ostalih 18 je konkurentnije na tržištu rada za brže zaposlenje ili samozaposlenje. Dakle, uposljeno je 70 % obučenih, što je dva puta više od projektovanog indikatora.

Nadalje u okviru projekta uspostavljen je Centar za inovacije i poduzetništvo kao dio kapaciteta Srednje Elektrotehničke škole, a u okviru koje je program u oblasti poduzetništva pohađalo 30 učenika i gdje su napravljene 3 inovacije, koje su dobile zlatne medalje na međunarodnom takmičenju u Zagrebu, a 32 nezaposlene osobe s evidencije su prošle obuku iz osnova IT vještina.

Dosadašnji rezultati projekta:

Nositelj projekta	Ukupnan broj obučenih	Ukupnan broj zaposlenih
Općina Novi Grad Sarajevo	60	42

Dalji rezultati projekta: institucionaliziran mehanizam Lokalnog partnerstva za zapošljavanje, izrađen Lokalni akcioni plan za zapošljavanje 2019-2021 godine, te uspostavljena aktivna web stranica Lokalnog partnerstva za zapošljavanje.

Projekat II - „Projekat zapošljavanja mladih (YEP)“

Program podrške poduzetništvu na području općine Novi Grad Sarajevo koji se realizuje uz podršku Vlade Švicarske sa ciljem uspostave povoljnog poduzetničkog okruženja, te pružanja podrške osnivanju i radu konkretnih poslovnih subjekata. Realizovana je obuka za izradu biznis planova dvije grupe (52 zainteresovanih lica sa područja općine. 16 biznis planova koji su ocijenjeni pozitivno su dobili mogućnost sufinansiranja pokretanja biznisa uz mentorsku podršku.

Partnerstvo i saradnja:

Saradnja sa YES Centrom

Program samozapošljavanja mladih SOS Dječija sela BiH podrazumijevao je podršku korisnicima kroz obuku za pisanje biznis planova, trening finansijsko- pravne regulative te trening prodajnih vještina i upravljanje socijalnim mrežama. Projekat je podržan od EU i donatora SOS centra Hermann Gmeiner. Centar predstavlja specifičan kapacitet za ekonomsko jačanje i samozapošljavanje bivših štićenika centra, kao i za cca 30 % mladih iz zajednice. Općina je partner projekta u smislu stručne, tehničke i promotivne podrške. Rezultat projekta: 82.000,00 KM izdvojena za pokretanje 9 biznisa samo sa područja općine Novi Grad Sarajevo.

Podrška stručnom usavršavanju i formalnim programima obrazovanja

Općina Novi Grad Sarajevo je u posljednje vrijeme orijentisana i na uspostavljanje i razvijanje saradnje s Centrima za edukacija s ciljem pružanja dodatne podrške nezaposlenim osobama i pomoći pri brzem uposlenju. Od 4 akreditovana centra na području ove općine, posebno se istakao Centar za edukaciju Dizart, kao specifičan centar za realizaciju stručnog usavršavanja nezaposlenih osoba u oblasti rada i programiranja na CNC i laserskim mašinama. Do sada su prema akreditovanom Programu Centra za edukaciju Dizart održana 4 ciklusa obuke za nezaposlene osobe sa područja ove općine, a trenutno se završava i 5. ciklus obuke.

Rezultati 4 ciklusa obuke	Broj nezaposlenih polaznika obuke	Broj nezaposlenih koji su završili obuku	Broj polaznika koji su dobili certifikate	Broj obučanih osoba koje su se zaposlile
	20	18	13	8

BFC Općina – Business friendly community

Općina Novi Grad Sarajevo je uspješno završila proces certifikacije za općinu s povoljnim poslovnim okruženjem (Business Friendly Community) i 15.07.2017. godine postala zvaničan nosilac regionalnog BFC SEE certifikata. Shodno tome konstantno djeluje u skladu s preuzetim obavezama na unaprijeđenju postojećih poslovnih politika i kapaciteta i razvijanju praksi u skladu s stečenim certifikatom. Uspješno je završen kontrolni audit i u fazi su pripreme za recertificiranje Općine.

Informacija o novčanim podsticajima za razvoj poljoprivredne proizvodnje u periodu od 2016- 2019. godine

R/b	Godina	Projekti	Utrošena sredstva KM
1.	2016.god.	-Projekat direkne podrške za tekuću polj. proizvodnju, -Projekat "Humanost i podrška poljoprivrednoj proizvodnji", - Projekti: dodjelu košnica pčelarima početnicima stanovnicima Općine Novi Grad Sarajvevo, dodjela sadnica malina, dodjele plastenika površine 50m ² i dodjela voćnih sadnica- visokostablašica, - Projekti sa ciljem promocije "Bosanske tržnice", - Edukacije i tematska predavanja iz oblasti poljoprivredne proizvodnje	112.801,38
2.	2017.god	-Projekat direkne podrške za tekuću polj. proizvodnju, -Projekat dodjele plastenika površine 100 m ² sa sistemom za navodnjavanje, dodatnom opremom i sadnicama za jedan proizvodni ciklus u partnerstvu sa humanitarnom organizacijom "Muslim mormonskom crkvom", - Projekat dodjele košnica, -Projekat dodjela plastenika površine 50m ² - Projekti održavanja manifestacija sa ciljem promocije "Bosanske tržnice", - Edukacije i tematska predavanja iz oblasti poljoprivredne proizvodnje	158.669,70
3.	2018.god.	- Projekat direkne podrške za tekuću polj. proizvodnju - Projekat dodjela plastenika površine 50m ²	74.227,50

		- Edukacije i tematska predavanja iz oblasti poljoprivredne proizvodnje, - Projekat „Izbor hortikulturno najuređenijih balkona, dvorišta i ulaza u stambenu zgradu“, - Urađena je brošura „Edukacije iz oblasti poljoprivredne proizvodnje u periodu od 2014.- 2017.godine	
4.	2019. god	-Projekat direkne podrške za tekuću polj. proizvodnju, -Projekat novčane podrške za razvoj poljoprivredne proizvodnje udruženjima, zadrugama i nevladinim organizacijama - Edukacije i tematska predavanja iz oblasti poljoprivredne proizvodnje, - Projekat „Izbor hortikulturno najuređenijih balkona, dvorišta i ulaza u stambenu zgradu -Projekat " Izbor hortikulturno najuređenijih dvorišta privrednih subjekata koji registrovanu djelatnost obavljaju na području Općine Novi Grad Sarajevo"	125.552,07

Registar poljoprivrednih gazdinstava i Registar klijenata na općini Novi Grad Sarajevo

U skladu sa Zakonom o poljoprivredi i Pravilnikom o upisu u Registar poljoprivrednih gazdinstava i Registar klijenata Služba obavlja poslove upisa u registar.

Upis u registar obavlja se u svrhu popisa ljudskih potencijala, zemljišta i životinja na poljoprivrednim gazdinstvima u cilju što racionalnijeg, bržeg i kvalitetnijeg planiranja mjera podrške poljoprivrede i ruralnog razvoja; osiguranja transparentnog trošenja sredstava namjenjenih podršci u poljoprivredi i ruralnom razvoju i postepenog usklađivanja sa zahtjevima Evropske unije radi korištenja sredstava iz predpristupnih fondova namjenjenih Bosni i Hercegovini.

Podaci iz registra se koriste za sprovođenje mjera novčanih podrški i drugih oblika potpore u poljoprivredi i ruralnom razvoju, a radi podsticanja razvoja poljoprivredne proizvodnje i ruralnih područja u svrhu uspostavljanja jedinstvenog i usklađenog sistema upravljanja i kontrole mjera novčanih podrški i drugih oblika potpore u poljoprivredi, kao i za potrebe vođenja analitike i poljoprivredne statistike na teritoriji BiH.

Na tabelarnom prikazu je vidljivo da se broj poljoprivrednih gazdinstava povećao sa 268 od 2011. godine na 587 gazdinstava u 2019. godini.

Godina	Br. registrovanih gazdinstava
2011	268
2012	303
2013	323
2014	344
2015	363
2016	395
2017	479
2018	530
2019	587
Ukupno:	3.592



I. Prikaz kretanja nezaposlenih lica na području općine novi Grad Sarajevo

Prateći kretanja statističkih pokazatelja publikovanih u javno dostupnim biltenima JU Službe za zapošljavanje Kantona Sarajevo, Federalnog zavoda za statistiku, kao i Zavoda za informatiku i statistiku Kantona Sarajevo, u prilogu je pregled najvažnijih trendova u privredi na teritoriji općine Novi Grad Sarajevo.

Prilikom analize dostupnih statističkih podataka kao baznu godinu za poređenje podataka uzimamo 2012. godinu, imajući u vidu da je Općina Novi Grad Sarajevo počev od 2013. godine krenula s provođenjem aktivnih mjera podrške privredi i zapošljavanju, koje su za cilj imale smanjenje nezaposlenosti, odnosno povećanje zaposlenosti. U periodu decembar 2012. do oktobar 2019. godine zabilježena su sljedeća kretanja nezaposlenih lica:

	Decembar 2012.	Oktobar 2019.	Smanjenje / povećanje nezaposlenosti
Općina Novi Grad Sarajevo	20.257	15.814	-4.443
Kanton Sarajevo	73.018	58.681	-14.337
Federacija BiH	384.852	308.214	-76.638




Tako je na teritoriji općine Novi Grad Sarajevo evidentno smanjenje broja nezaposlenih osoba 21,93 % (4.443), u Kantonu Sarajevo od 19,63 % (14.337), a u Federaciji BiH zabilježen je pad za 19,91 % (76.638).

Općina Novi Grad Sarajevo čini 29 % radne snage Kantona Sarajevo i 5,4 % Federacije BiH. Iz gornje tabele uočavamo da ova Općina sa 30,99 % učestvuje u smanjenju broja nezaposlenih Kantona Sarajevo, a sa 5,8 % Federacije BiH.

Od ukupno 15.814 nezaposlenih lica na području općine Novi Grad Sarajevo, njih 4.836, odnosno 30,58 % prvi put traži zaposlenje.

U kvalifikacionoj strukturi ukupnog broja nezaposlenih lica na teritoriji ove općine dominiraju osobe s srednjom stručnom spremom sa 59,45 %, slijedi ih ih nekvalifikovana radna snaga sa 26,7 % te visokoobrazovane osobe sa 13,85 %.



Pad stope nezaposlenosti je rezultat više faktora, prije svega trenda otvaranja novih radnih mjesta, odnosno povećanja zaposlenosti, pri čemu su značajnu ulogu sasvim sigurno odigrale i podsticajne mjere koje su u datom periodu provodile kako Općina Novi Grad Sarajevo, tako i viši nivoi vlasti.


II Prikaz kretanja broja zaposlenih na području općine novi Grad Sarajevo

Federalni zavod za statistiku je do januara 2018. godine na mjesečnom nivou publikovao podatke o broju zaposlenih osoba u kompanijama u Federaciji BiH. Navedeni podaci su se dobivali od ERC ZIPO -Elektornskog računarskog centra zdravstvenog i penzionog osiguranja koji je starim načinom izračuna putem Mjesečnog izvještaja o zaposlenima i plaći (Rad-1) evidentirao broj zaposlenih prema mjestu rada, ali samo u kompanijama koje su imala 10 i više zaposlenika.

U međuvremenu se navedena praksa promijenila, tako da JU Služba za zapošljavanje KS, podatke o mjesečnoj zaposlenosti preuzima direktno od Poreske uprave. Porezna uprava Federacije BiH evidentira zaposlene osobe također prema mjestu rada, ali obuhvata sve pravne subjekte, obrte, slobodne profesije i vojsku bez obzira na broj zaposlenika, a što čini puni obuhvat podataka.

Broj zaposlenih na općini Novi Grad Sarajevo je u oktobru 2019. godine iznosio 40.616 i bio veći za 18.356 osoba u odnosu na baznu 2012. godinu, odnosno za 82,46 % u odnosu na podatke dobivene starim načinom izračuna.

Općina Novi Grad Sarajevo	Broj zaposlenih po staroj metodologiji	Broj zaposlenih po novoj metodologiji	Nova radna mjesta	Postotak rasta
	Decembar 2012.	Oktobar 2019.		
	22.260	40.616	18.356	82,46 %



Zaključujemo da su na području općine Novi Grad Sarajevo vidljivi pozitivni pomaci u smislu smanjenja nezaposlenih kao i povećanja broja zaposlenih u posmatranom periodu.

Obrada: Odsjek za LER